

中華民國郵政特准掛號認爲新聞紙類

中華民國五年十二月十一號至十五號

湖南政報

第十一十一冊

湖南政報處發行

例言

- (一) 本報每五日發行一冊
- (二) 本報內容除命令及公電外分為內務教育實業司法財政外交軍政七門但某門無可登載時從缺
- (三) 本報登載之件以業經確定及應公布者為限凡一切咨商飭議飭查等件及關於軍事應守秘密者概不登載
- (四) 本報每期於第四日付印第五日出版故第四五兩日文件應俟下期始能登出閱者諒之

價目

- (一) 本報每月每份價洋八角
- (二) 外埠每月每份另加郵費二角
- (三) 零售每冊一角四分

▲▲ 目錄

命令

大總統令

大總統訓令

大總統指令

公電

上海來電二則

北京來電一則

鳳凰來電一則

上海來電一則

貴州來電一則

上海來電一則

南甯來電一則

南昌來電一則

四川來電一則

鳳凰來電一則

南京來電一則

貴陽來電一則

北京來電一則

杭州來電一則

北京來電三則

雲南來電一則

北京去電二則

上海去電一則

各縣去電二則

內務

省長咨各省省長請轉行所屬通緝奸商傅南軒等歸案懲辦由

省長咨督軍據警察廳呈商民黃翼球股本被提錄案轉請發還等情請查核辦理由

省長令各道尹准銓敘局咨文官普通考試由院呈請展緩至明年三月舉行奉令照准請

轉飭出示曉諭等因即便遵照辦理由

省長令水利分局及常德安鄉縣知事據常德紳民蔣國經等電呈陽城村確係常德轄境

懇准調銷新照並飭拿辦徐保元等以杜兼並等情即便遵照前令勘辦呈覆由

省長令水利分局據沅江縣知事電呈蕭心樛控祝榮恩主謀混佔一案即便遵照前令辦

理具覆由

省長令水利分局據皮晉藩等呈加築堤院懇飭保護等情即便遵批辦理由

沅江縣知事

省長令華容縣知事據該縣民朱樹藩等呈承墾大京湖官荒懇出示保護等情即將所發佈告分別張貼由

省長令委員水利分局將佃照租約繳驗因便帶轉由

省長令長沙縣知事據呈查明千壽寺業確係地方公產應准仍照原案辦理即便轉飭遵照由

教育

省長令教育部據長沙雅禮學校及私立湘雅醫學專門學校賫具調查表請察核備案由省長函覆留日學生監督照數補滙留日四校新生補助費由湘省經理員核收轉解即希

察照由

各道尹

省長令各知事准部電覆學校假期照舊辦理等因嗣後各學校應照元年部定章程於省城學校

陽曆新年放假兩週即便遵照由

省長令達材法校准部咨該校法律別科庚班編級學生一覽表其中尙有未據叙明等因即便查明具覆由

省長令圖書館准部咨請飭該館搜集本地藝文參照濟南圖書館辦法等因即便遵照由省長令湖湘法校准教育部咨該校各班學生現已全體畢業應即停辦以符原案即便知照由

省長令武岡縣知事據該縣商會呈關於學捐兩案請分別示遵等情即便查明具覆由

省長令新田縣知事據呈賈縣立高小校已一班畢業清冊暨職教員學生一覽表應准舉行畢業惟表填錯誤仍發還更正由

省長令會同縣知事據呈覆查明楊濤等請改仁智小學爲中學籌畫不妥經費不敷等情該公民等所請立案之處碍難照准由

省長令第四聯合縣立中學校據呈賈職教員一覽各表疏漏含混即便詳細查明呈覆核奪由

省長令公立蠶業講習所據呈曾經核准加增經費仍懇按照預算發給等情該所辦理手續諸多不合所有十月份補助費應毋庸發給其十一月份補助費即便照收切實支用由

省長令衡陽縣知事據呈覆何璘等以黨惡害公具控一案應准如呈銷案惟普賢鎮學欸無多不若改辦國民學校較有實效即便討論辦法具覆核奪由

省長批臨湘黃大岡等據呈請統一學欸以廣教育等情所呈不爲無見應俟該縣知事查明原案並詳具改辦情形呈候核辦由

實業

省長咨農商部據出品協會呈賈該會報告書請查照由

省長咨省議會擬具省欸補助各縣農工銀行章程請公決見覆由

省長令鑛務總局准督軍咨覆陳世璠強佔官鑛一案已令常澧鎮守副使派軍隊解散究辦等因即便轉飭知照由

省長令省農曾准農商部咨該會籌設模範畜牧場應將辦理情形報部查核等因即便遵照呈覆由

省長令財政廳和豐電燈汽船三公司均有官股即便將經辦情形詳明具覆由

省長令財政廳據高子明等具控莫兆辛等藉公私採損壞良田一案即便遵照批辦理由

省長令各縣知事曉諭農民及時種樹蓄魚分貼頒發告示並查取鄉村禁山會及查禁竊

取魚利章程核定飭遵由

省長令長沙等縣知事准新疆省長咨請選擇茶種郵寄來新以便分發纏回試種等因即

便遵照辦理由

省長令鑛務局准省議會函請飭該局裁汰冗員各節應即遵辦其變賣船砂一節未便中

途限制惟各分局應於改組前禁止買賣以杜弊混即便分別遵照覆候核咨由

省長令衡陽道尹據呈賈東安縣鑛業協會更正簡章應准備案即便轉行遵照由

省長令平江縣知事據呈報農會現在情形應即督同妥善辦理仍飭該會安定章程核辦

察等由

司法

省長令湘江道尹據呈報委查安化縣煙賭情形該知事曾染嗜好仍未戒盡俟交卸回省

應即查驗明確呈候嚴懲由

省長令高等審判廳據呈報辦理甯遠縣承審員高信舉濫用刑訊一案情形辦理甚是知

事李華盛有無受賄情事俟查明呈候核辦由

財政

財政廳令新任資興縣知事據該前縣崔知事呈資興民欠驗契稅費賠墊無出仍懇變通辦法等情即便查明業戶欠數是否屬實並勒限嚴催如數目不敷或收不及額仍應責成該前任賠繳由

財政廳令各縣知事迅速按月造具計算書費送查核由

財政廳令各釐局及寶慶關嗣後員巡查驗貨物徵釐給票時應於釐票上蓋姓名戳記並應於聯票上將船戶姓名或牌號及貨名數量詳細註明由

財政廳令武岡縣知事據呈賈接收前任劉澤林交盤總冊查與定章未合原冊發還迅將高劉兩任應行交抵各項分晰造費以清代案由

財政廳令平江縣釐局據呈請修改綢緞布疋釐金應准照辦即便將修改各貨釐率明白佈告由

外交

省長令 交涉員各知事 照約保護日商田中漸來湘游歷由

省長令各縣知事照約保護日人橋文助等美人鄭敬士等來湘游歷由

附錄

修正湖南政治研究所章程

▲命令

大總統令

特派王芝祥爲四川檢察使此令

張之傑晉給三等文虎章此令

廣東潮海關監督邵福瀛著免去本職另候任用此令

據福建督軍兼署省長李厚基電稱本月十五日下午七時福州南台洋中亭地方失慎延燒至夜一時始熄共焚去居民舖戶二千家之多災民載道慘不忍觀懇撥帑款賑卹等語南台爲商民繁聚之地遇此奇災殊堪憫惻著由財政部迅即撥銀一萬元發交該兼省長遴委妥員核實散放並將火政加意講求以恤民艱而弭後患此令

內務部呈准江蘇省長齊耀琳咨請任命顏玉琛試署淞滬警察廳警正應照准此令

內務部呈准江蘇省長齊耀琳咨淞滬警察廳警正鄭汝重因事懇請辭職鄭汝重准免本職此令

陸軍總長段祺瑞呈請授田之秀爲陸軍輜重兵少校葛潤琴趙國泰楊際泰吳偉功顏德仁爲陸軍步兵上尉鮑培璋楊國斌白志琳蔡煥森蕭德衡爲陸軍步兵中尉鍾大猷江鰲林得標李秩筵爲陸軍步兵少尉李璧光爲陸軍一等軍醫廖樹楷爲陸軍二等軍醫應照准此令
司法總長張耀曾呈稱前西北法政學校校長錢鴻鈞因公獲罪現在所欠公款業經繳清且該前校長於民國初元維持地方著有微勞懇請特赦等語本大總統依照約法第四十條特赦錢鴻鈞准將原判徒刑免其執行此令

茲制定參議院議員第一班改選日期令公布之此令
教令第三十四號

參議院議員第一班改選日期令

第一條 各省省議會選舉第一班改選之參議院議員於民國五年十二月十八日舉行其他各選舉會選舉第一班改選之參議院議員於民國六年一月十八日舉行

第二條 前條所定選舉日期遇有必要情形由各選舉監督咨明內務總長呈准

大總

統酌量延期

第三條 本令自公布日施行

程潛授爲陸軍中將陳璩章林修梅周偉均授爲陸軍少將胡學藩蘇邦傑李仲麟廖家棟郭步高王貴厚均授爲陸軍步兵上校陳光斗授爲陸軍礮兵上校此令

前政事堂存記彭毅孫著發往浙江交該省省長酌量任用此令

陸軍總長段祺瑞呈請授包軫爲陸軍步兵中校蕭永讓雷世魁張詩貢均授爲陸軍步兵少校應照准此令

白玉山給予四等嘉禾章此令

王郿給予五等嘉禾章陸文注給予六等嘉禾章此令

劉存厚加陸軍上將銜此令

顧品珍劉雲峯鍾體道周道剛趙鍾奇雷榜繼均授爲陸軍中將陳澤霈李伯庚均授爲陸軍少將並加陸軍中將銜王秉鈞王兆翔鍾志魁陳經何懋辛均授爲陸軍少將林爽劉相舒榮

衛均授爲陸軍步兵上校並加陸軍少將銜此令

海軍總長程璧光呈已褫海軍少將毛仲方前因親病離職南旋適犯嫌疑情尙可原請予開復原官給還勳章等語毛仲方應准開復海軍少將原官並給還三等文虎章以策後效此令前政事堂存記之梁正麟著交財政部酌量任用此令

國務院存記之陳廷英著發往江蘇交該省長酌量任用此令

內務部參事張友棟司長祝書元許寶衡均著卽行免職此令

內務部呈請將僉事殷錚唐堅沈國均曾維藩汪立元王履康王念曾陳毅傅世常金紹城華學瀚汪郁年鄭咸陶洙董瑞椿汪東寶鄭迺鑑許德芬余詒張維勤技正馬榮均予免去本職等語殷錚唐堅沈國均曾維藩汪立元王履康王念曾陳毅傅世常金紹城華學瀚汪郁年鄭咸陶洙董瑞椿汪東寶鄭迺鑑許德芬余詒張維勤馬榮均著卽行免職此令

外交部呈請任命朱壽朋試署僉事應照准此令

衆議院咨請查辦河南省長田文烈等一案當經國務院派員前往河南秉公確查茲據覆稱已將交查各款或徵案牘或採輿論逐項查明請予分別懲處等語河南省長田文烈既查無溺職殃民情事雖用人間有未當究其在豫保衛地方維持大局實能竭盡心力功不可沒著卽免予置議政務廳長陶珙雖據稱無招權納賄確據而檢束不嚴致滋物議實屬人地不宜著卽免職卸任財政廳長顧歸愚辦理捐稅多涉繁苛警務處長王景福各項報銷任意浮濫均著該省長督同新任財政廳長王基本覈明收支各款有無侵蝕情弊再行呈明辦理河防局長呂耀卿署禹縣知事李汝勳前潢川縣知事朱正本安陽縣知事龐毓桐開封縣知事張

嘉淦許昌縣知事曹慕時均著交高等文官懲戒委員會依法議處河朔道道尹范壽銘永城縣知事徐家璘官聲尙好查無劣跡應卽毋庸置議嗣後該省行政用人責成該省長切實整頓淬勵進行其苛細雜收及未經部准加收之附捐並著查明分別停減查覆原呈鈔給閱看並交內務財政兩部查照此令

大總統訓令

大總統訓令第五十七號

令內務次長代理部務謝遠涵

據平政院呈裁決內務部停職人員祝書元等呈訴該部總長違反法令擅退部員一案應將原裁決書鈔發該部查照執行此令十二月一日

大總統指令

大總統指令第五百八十號

令內務次長代理部務謝遠涵

呈浙江寧波警察廳警正陳紹舜積勞病故擬請照章給卹由

呈悉准如所擬給卹此令十一月三十日

大總統指令第五百八十一號

令財政總長陳錦濤

呈屠宰稅內宰牛一項擬請停止並將猪羊稅率略予變通由

呈悉准如所擬辦理此令十一月三十日

大總統指令第五百八十二號

令陸軍總長段祺瑞

呈軍官李峻峯等因公殞命擬請照章給卹由

早悉准如所擬分別給卹此令十一月三十日

大總統指令第五百八十三號

令平政院院長周樹模

呈審理內務部停職人員祝書元等呈訴該部總長違反法令擅退部員一案內務部之處分應予取消由

呈悉已鈔發原裁決書訓令內務部查照執行此令十二月一日

大總統指令第五百八十四號

令內務次長代理部務謝遠涵

呈彙報第三屆四屆核准免試縣知事現任縣缺要差人員分發省分由

呈悉景綬等均准如擬分發此令十二月一日

大總統指令第五百八十五號

令內務次長代理部務謝遠涵

呈本屆冬至祀天典禮可否從緩舉行請示遵由

呈悉應准從緩舉行此令十二月二日

大總統指令第五百八十六號

令國務總理段祺瑞

呈陳明派員查辦胡瑞霖在湘貪贓枉殺紊亂財政一案現據查覆均無實據請示遵由
呈悉既據派員查明均無實據胡瑞霖應即免予置議此令十二月二日

▲公電

上海來電十二月六日

長沙省長兼督軍鈞鑒松公靈柩已於本日抵滬定本月十五奉送回湘安葬請派專員籌備迎運停柩等事專此奉懇堃森叩歌印

上海來電十二月六日

長沙趙師長范廳長鑒松公靈柩定十五日由滬乘兵艦運漢請商借萍鄉淺水小輪及拖駁在漢迎運借定後並乞電示以便派人接洽省城停柩處亦盼預備蔡公治喪事務所叩歌印

北京來電十二月七日

各省省長都統鎮守使鑒本年冬至應舉行祀天典禮惟原定儀節按照現制尙須酌改業經由部呈明奉令應准從緩舉行等因相應電達希轉行遵照內務部微印

鳳凰來電十二月七日

長沙督軍譚鈞鑒接省電敬悉鈞駕已扶太夫人靈柩回省伏乞順變節哀顧全湘民早爲視事全湘幸甚邊陲幸甚應詔叩魚印

上海來電十二月七日

長沙趙師長范廳長鑒克公葬地仍決定歸葬湖南二十三日由滬起運赴漢請商借萍安拖輪駁船至漢迎運厝柩地點祈先選定辦理情形如何祈隨時電告孫文唐紹儀李烈鈞譚人鳳蔡元培柏文蔚麻

桂陽來電十二月七日

杭州武昌南昌成都重慶西安 督軍省長均鑒頃奉任公先生江電擬爲松公在滬上設紀念圖
開封雲南廣東南甯長沙南京 書館奉祠鑄像以垂不朽一節竊以滬上爲中外交通要衝松公爲中外具瞻人物如於京師
及立功地方建立專祠鑄像而外更藉琳琅之館永留灑爽之姿則日月常新景行有在世澄
極表贊成如何仍祈諸公卓裁示教劉顯世任可澄全叩微印

上海來電十二月七日

各省省長轉各報館鑒蔡府訃告如下不孝端等罪孽深重不自殞滅禍延顯考勳一位陸軍
上將四川督軍兼省長松坡府君慟於民國五年十一月初八日寅時壽終日本福岡大學病
院享壽三十五歲不孝等親視含殮仰蒙政府派鑑迎柩於十二月初五日抵滬暫殯上海寶
山路蜀商公所茲定於十二月十三十四兩日在滬展奠十五日已刻發引扶柩回湘卜地安
葬哀此訃聞孤子蔡端生蔡永甯泣血稽顙請登貴報實紉公誼上海蔡公治喪事務所叩魚
印

南甯來電十二月八日

急北京國務院參衆兩院各省督軍省長均鑒本省軍政界聯合紳商各界團會追悼黃克強
蔡松坡二公定於本月十日舉行特聞廣西追悼黃蔡二公籌備事務所陽借印

南昌來電十二月八日

北京大總統參衆兩院南京副總統各省督軍省長議會各公團報館及黃蔡二公追悼會公
鑒黃蔡二公民國元勳相繼殞謝薄海同悲贛省各界已定本月九十一二三日開會追悼藉
表哀忱贛黃蔡二公追悼會事務所叩虞印

四川來電十二月八日

四川武昌長沙貴陽雲南蘭州西安各省長康定殷鎮守使均鑒鴉片禁令關係重大轉瞬約期屆滿亟應趕圖廓清敝省對於禁種禁運禁售禁吸諸端均經嚴定辦法加緊厲行惟查愚民偷種煙苗多在偏僻險遠之區而邊境知事畏難苟安輒藉詞省界互相推諉誠恐雙方觀望遺誤事機似應不分畛域聯絡一氣使負連帶責任以期完密茲擬交界邊地煙苗應由兩省接壤知事或委員會同搜鏟互相連界二十里內會鏟淨盡印押切結於一月灰日以前各報陳管道尹派員覆查如邊界二十里內尚有煙苗未淨除將該縣知事或委員撤任留鏟外其曾出互結之鄰縣知事或委員亦應呈請轉咨議處至禁運一項亦須互相稽察凡運煙之犯如經甲縣緝獲係由丙縣購販而來經過乙縣未經發覺者除乙縣處以失察之咎外其丙縣如非同隸一省亦必咨請原省長官從嚴議處以上二端均爲厲行煙禁起見諒表贊同除通令外相應電請尊處查照飭屬遵辦實爲公便羅佩金麻叩

鳳凰來電十二月八日

長沙省長鈞鑒知事於魚日赴鄉查禁煙苗閱團清鄉署中事務委一科科長陸家勳代拆代行謹聞麻陽縣知事田梓材叩歌

南京來電十二月九日

福州雲南貴陽廣東南甯南昌杭州長沙武昌開封安慶太原濟南盛京吉林西安成都保定黑龍江蘭州各督軍承德姜都統鑒本年舊歷十二月初四日爲國璋攬揆賤辰向承諸公嘉祝之頒久滋感愧現在邦基甫定物力尤艱方切乾惕之心敢以晏樂爲事此次已通告本省

各界辭不受賀各處如以禮物見賜亦一概不敢領收萬望諸公共鑒微忱幸勿施惠爲禱特電佈聞諸希賜察國璋齊印

貴陽來電十二月九日

長沙譚省長雲南唐省長鑒四川羅督軍麻電諒達原電所開交界邊地禁煙辦法敝省極表贊同已電覆照辦尊意如何祈覆顯世叩齊印

北京來電十二月九日

雲南貴陽廣東南甯成都長沙各督軍省長鑒奉大總統令據雲南省議會電稱此次護國軍維護共和舍生取義大局幸定危而復安應請飭令滇黔桂粵蜀湘各督軍省長收檢陣亡忠骸還葬鄉里并入祠祭享矜恤遺族以慰幽魂而勵忠烈等語各路護國軍死綏仗義鋒鏑身膏羈魂異鄉最堪憫惻應著各該省督軍省長按照所陳分別查明妥籌辦法呈候核奪施行此令等因合達院陽印

杭州來電十二月十日

長沙譚督軍鑒魚電敬悉支日曾電請中央先將縣議會回復尙未報可現仍候令辦理報載失實謹聞浙江督軍兼省長呂公望佳印

北京來電十二月十日

長沙省長鑒魚電悉四年度統計准展限兩月查貴省三年度統計尙未填報希一併送部爲要內務部佳印

北京來電十二月十日

長沙督軍省長鑒環洪江電局電稱上月二十七日在芷江縣屬新店鴨子岩地方被竊電線三檔該處時有竊線毀桿情事等語查該處電線係通雲貴要道應請轉令芷江縣軍警切實保護並拿辦此次竊線案犯至緝公誼交通部佳仰

北京來電十二月十一日

各省省長承德歸化張家口都統鑒案查第三四屆核准免試知事十月十一日赴部報到各員業由本部考詢分發在案茲查未經考詢人員尙多並經各省省長要求展限特再通電展限儘明年二月十日以前赴部報到補行考詢逾限即將原案撤銷如有特別情形不能離職者應呈交由各省區長官電部核辦內務部佳仰

雲南來電十二月十一日

北京大總統鈞鑒國務院各部院參眾兩院孫伯蘭先生司法部轉李印泉省長各報館南京副總統各省督軍省長重慶戴省長承德歸化廳張家口都統上海孫中山先生唐少川先生岑雲階溫欽甫兩先生各報館四川並轉劉積之軍長熊錦帆鎮守使瀘州趙道尹廣東轉梁任公先生王亮疇先生章太炎先生李協和先生方韶勳張藻林兩師長鑒溯自上年十二月二十三日滇省首舉義師擁護共和迄今倏屆歲週追維諸將士之死傷拚命諸志士之奔走辛勞痛定思痛百感交集而滇以貧瘠之區悉率敵賦從事茲役較之辛亥反正其難倍蓰幸賴我大總統副總統總理之恩威浹洽同志諸公之毅力維持得免戰禍蔓延大局早定堯亦得追隨諸公之後已告無罪惟念兵事煩煩則國脈凋喪破壞猶易而建設良難此一年內人民生命財產之損失公家餉需物力之消耗雖竭數年之力不能恢復又况政治雜糅財政艱

窘內憂既伏外患方長竊抱私憂遑云歡慶而滇中各界發起屆期舉行祭祀慶祝典禮以爲國人紀念亦等諸齊桓在莒之戒夫差過庭之警義有可取禮斯不廢伏願我大總統副總統總理厘殷憂多難之思我同志諸公軫愍後懲前之想上下一心協力圖治民國前途庶其有豸敬以奉聞乞求明教唐繼堯叩陽印

北京去電十二月六日

北京內務部鑒湘自兵燹後各縣文卷諸多散失四年統計雖經補發表式而造報來省者寥寥無幾省表報部勢難遵限擬請大部展期兩月嗣後知事如再延誤即行分別記過乞復示遵延闈叩魚范治煥代印魚

北京去電十二月六日

北京內務部鑒武陵道尹現已遵電裁缺其裁道各屬關於由道核轉之案作何辦理未奉明文同隸一省似未便辦理兩歧其省官制未頒以前擬請將裁道所屬之常德岳陽平江臨湘華容漢壽沅江南縣安鄉澧縣臨澧十一縣遇有勘報災情辦理交代暫歸湘湘道尹核轉其桃源石門慈利大庸四縣即暫歸辰沅道尹核轉俾專責成以歸一律是否有當伏候電示祇遵延闈叩魚范治煥代印

上海去電十二月六日

上海蔡公治喪事務所並轉蕭立誠岳宏羣兩兄鑒歌電悉松公靈柩定期回湘即借派萍輪拖駁赴漢迎運屆時另電奉聞省垣已指定測量局爲停柩地點並公推曾君繼梧總辦營葬事宜此復趙恒惕范治煥魚印

各縣去電十二月八日

各縣知事禁煙各項表册照章應按月按旬分別造登邇來各縣類多任意稽延殊屬玩視要政爲此電令仰該知事將漏報各表於電到十日內造齊補賚毋再遲誤詞後如月逾期十日旬報逾期五日即分別懲處省長譚庚印

各縣去電

各縣知事覽徵收田賦以銀元爲本位花戶以錢銀折納者應隨時兌換銀元免因洋價變動致受賠累所徵之款務須遵章按月報解不得稽延又田賦收數銀元折價券費收支各表應逐月查造於出月十日以前賚廳業經著爲定章各縣多有造報遲延及違章不報者殊屬不合自後應即依限造送其有自本年開徵上忙起延未填報者應於電到十日內逐一查明按月補造賚核毋得稍涉玩延致干咎譴仍將奉電遵辦情形先行呈報備查財政廳陽印



內務

湖南省長公署咨

爲咨請通緝事查湘省申漢滙水自今春一千一百兩陸續增加至十一月初漲至二千三百兩有奇實由奸商復慶祥元孚長等店買賣空盤從中操縱所致業經敝署密令省會警察廳會同長沙縣知事遴派警員在該復元二店內查獲確據當即勒令停業並通令各縣知事嚴緝該復慶祥店主傅南軒元孚長店主侯清泉務獲究辦一面爲保全債權權利起見並令警察廳權運總局長沙沅江二縣知事分別將各該店所有財產先行查封扣押各在案查奸商買賣空盤卽係一種賭博行爲而擾亂市面金融情節尤較通常賭博爲重現查該奸商傅南軒侯清泉均已聞風遠颺亟應緝捕到案以免倖逃法網除分咨外相應咨請 貴省長轉行所屬通緝該奸商等歸案懲辦至緝公誼此咨 各省省長

湖南省長譚延闓

中華民國五年十二月二日

湖南省長公署咨

爲咨行事案據警察廳長林支宇呈稱呈爲商民黃翼球股本被提錄案轉請鑒核事案據商民黃翼球稟稱竊翼球於民國元年與郭述初等在府正街合資開設華楚公司營業洋貨估衣並無違法情事忽於二年十一月前都督兼查辦使湯以內亂嫌疑逮捕翼球入獄三年五月八日由東區警察署奉鈞廳轉奉前督湯令飭將華楚公司黃翼球經手南喬書屋股本帳

項切實查明並將股本全數提繳等因奉此當由公司經理人郭述初遵將南喬書屋股本銀五百兩如數繳呈東區警察署核收比經該署署長張致元發給收條在案查湯督在查辦使任內所有違法沒收民黨款項均蒙鈞廳先後呈請督軍發還翼球被提華楚公司南喬書屋股本銀五百兩暨應得利息銀兩似亦應在發還之列理合稟懇鈞廳錄案轉呈督軍核准並本息發交鈞廳轉給具領等情據此查接管卷內警廳於二年十一月奉湯前督於查辦案內令飭提沒收華楚公司黃翼球經手南喬書屋股本銀五百兩先後繳由都督府收訖並給收條在案現值鈞座發還湯前督沒收內亂嫌疑財產廳長復查該商所稟各節尙屬確實理合錄案轉請察核可否准予發還之處出自鴻裁謹呈等情據此查核原呈稱此項股本銀五百兩曾繳交前都督府核收相應咨行 貴署謹煩查核辦理見覆施行此咨
湖南督軍

省長譚延闓

中華民國五年十二月 日

湖南省長公署訓令

令 三道道尹
各縣知事

案准 銓叙局咨開爲咨行事查文官普通考試現由院呈請展緩至明年三月舉行於本年十月二十五日奉 大總統指令准其展期舉行此令等因相應鈔錄原呈咨行貴省長查照並請轉飭所屬一體出示曉諭以期週知可也等因准此合亟令行該 道尹
知事 即便遵照辦理

此令

省長譚延闓

中華民國五年十二月 日

附國務總理原呈

呈爲文官普通考試擬請展期舉行事銓叙局呈稱前奉 明令定於本年十二月舉行文官普通考試自應遵照辦理惟查文官考試規則內載攷試事務處應於攷試月份三個月前成立現在辦理文官高等攷試及文官甄用甫經竣事核計時期距普通考試開試之日僅一月有餘舉凡編製預算籌備試場以及設處報名審查資格等事頭緒紛繁恐非倉猝所能畢事擬請將文官普通考試之期酌量展緩至明年三月舉行以資籌備而臻周協謹呈請轉呈等情前來理合具文呈請 鈞鑒批示遵行謹呈

大總統

國務總理段祺瑞

中華民國五年十月 日

湖南省長公署訓令

水利分局局長

令安鄉縣知事
常德

案據該常德縣紳民蔣國經等電稱常德陽城村道光年沉塌後逐漸淤復修浚光緒十七年撥

歸南縣歲豐德和各院暨現常管康樂院均屬該村舊地近復加淤該村遺黎正擬切請完糧修築突遭益陽余年富湘鄉曾廣濤長沙戴景吾等朦朧前姚水利局局長濫發墾照藉圖侵佔復遭安鄉痞徒徐保元串通該縣官紳帶隊統彪恃強修院迭經居民曾廉浩石成玉等稟控水利局暨所管各官廳在案旋蒙鄒水利局長委員並飭安常兩縣知事會勘安鄉官紳以理屈情虛半途折回委員及常德知事仍親勘查所有該村廟臺墳碑古木與居民賀王等姓譜牒印証均相符合是現淤之地爲陽城村而陽城確係常德所管無疑惟既經官委會勘則領土所屬私人所有自應靜候解決乃徐保元等竟敢於未會勘前焚擄前清發墾之常固局會勘後又焚擄業經完糧之五福局並將老土居民恃隊驅逐似此兇橫藐法若不嚴懲人民財產莫保國家法律奚存紳等迫於該村遺黎請求恐釀成巨案爲此電請鈞座秉公主持迅將領土劃清恢復糧業准予調銷違章濫發之新照並飭拿辦徐保元等依法懲治以救民命而杜兼并不勝迫切待命等情據此查此案前據安鄉縣知事來呈當經令飭會同迅速勘定具覆毋再藉延在案據呈前情除分令外合行令仰該分局即便迅遵前令令飭秉公勘辦呈覆核奪毋稍刻延切切此令

省長譚延闓

中華民國五年十二月 日

湖南省長公署訓令

令水利分局局長鄒代藩

爲令行事案據沅江縣知事譚鴻藻函稱前遵電開釋祝榮恩頃據蕭心樛控祝榮恩主謀混佔統彪燒殺等情除派彈壓外懇速賜查據江委呈覆各情明定段落令行下縣或水利局打丈定界免釀巨禍又查該第二段荒地尙有省育嬰堂與曾樹德等千餘弓待打恐無餘荒併陳鵠候示復等情據此查此案前據委員江海宗呈覆到署當經令飭該分局長會縣劃定界綫所有餘荒及多修官地並令收歸該局管理切實劃分在案茲據前情應由該分局迅速前令會縣辦理其所稱省育嬰堂與曾樹德執照地點究在何段據該知事前實圖說並未註明是否屬實併應由局明白打定毋滋弊混除電覆外合亟令仰該分局長立即遵照辦理具覆毋延此令

省長譚延闓

中華民國五年十一月二日

湖南省長公署訓令

令 水利分局局長鄒代藩
沅江縣知事譚鴻藻

案據皮晉藩等以加築堤垸懇飭保護等情具呈到署除批呈悉此案節經令飭水利分局會縣劃定界綫在案應候令行該分局迅速會縣嚴切執行無任恃強侵佔並妥爲保護以資墾種除分令外仰即遵照此批牌示並分行外合行 檢同附呈令仰該分局長
鈔錄原 即便遵照批辦理此令

省長譚延闓

中華民國五年十二月 日
湖南省長公署訓令

令華容縣知事何揚烈

案據該縣朱樹藩等呈民等承墾大京湖國有荒地懇出示保護等情具呈到署除批呈悉宜大京湖墾案業據該縣知事會同委員莫瀛書督飭士紳擬具善後辦法經本公署令准照辦並准在附近磚橋市添設警察分所未經派駐之先令由該縣派警備隊前往彈壓保護在案據呈前情除由本公署發給佈告令縣張貼外合行批示知照此批牌示外合行檢同佈告令仰該知事即便派警張貼並由縣照錄善後辦法出示佈告俾資周悉可也此令

省長譚延闓

中華民國五年十二月 日

湖南省長公署訓令

委 員 楊炳照
令代理水利分局局長鄒代藩

為令行事案查水利分局關於湖淤發租辦法規定佃照與租約兩項除佃照以一紙給佃戶

外餘均一繳省公署一移該管縣署一留局備查該分局自開辦以來所有佃照租約兩項未據繳驗前曾令飭該分局長檢齊送核在案茲該委員查案赴沅應飭將該分局前項繳驗因便帶

轉 便將該分局繳驗帶轉 以期捷速除行知 水利分局 楊委員 外合行令仰該 委員 即便遵照辦理此令

省長譚延闓

中華民國五年十二月 日

湖南省長公署指令

令長沙縣知事姜濟寰

呈一件爲查覆千壽寺業係地方公產一案由

呈悉既據該知事查明該千壽寺確係公產前清末提歸自治經費等情以地方公產提辦
公益既與處分廟產部令相符應准仍照原案辦理仰卽轉飭遵照此令

省長譚延闓

中華民國五年十二月 日



△教育

湖南省長公署咨

爲咨請事前准 大部咨內開本國學者外國僑民設立專門以上學校本部亟宜詳細調查用特擬定表式請速分別發交填送報部等因附調查表式一紙到署准此當即飭科照式加印多份分別發交填報去後旋據長沙雅禮大學校及私立湘雅醫學專門學校先後繕具調查表實署相應備文檢同原表咨請 大部察核備案此咨

教育部總長

省長譚延闓

中華民國五年十二月 日

湖南省長公署公函

逕復者接准 函開案查五年度四校新生補助費前經繕造預算表呈由 教育部轉咨貴省長在案查東京高等師範學校補助費向例本科文科體育科生每年每名六十元本科理科生每年每名一百元預科生不論文科理科每年每名六十元五年度編製預算即按向章辦理頃准高師會第八七號函開外國學生補助費規則自本年改定因預科理科生一切學科試驗與本科相等費用增加所有預科理科生每年每名補助費亦須徵收一百元其餘一切無改等因查該校既改定規則所有本年考入及上年落第編入之預科理科生照原預算應每名增加補助費日幣四十元用特開列貴省五年度東京高師預科理科生名數計共應追加補助費八十元除呈請 教育部據情轉咨外相應函達即請察核並照數補匯來處以

便彙交等因計開預理科理科生彭沃王道衡二名到署准此查做省留日四校新生補助費向例匯由駐日經理員收轉有案茲准前因應即照數補匯到東仍由做省經理員核收轉解以符原案除飭科遵照辦理外相應函覆 貴監督即希察照為荷此致

留日學生監督

湖南省長譚延闓

中華民國五年十二月二日

湖南省長公署訓令

各道尹
各縣知事

省立公立各學校

案查本公署前以學校年假電陳 教育部請定辦法茲奉陷電覆開敬電悉本部通咨各省得於春節前後酌放寒假一節原以近年各省紛紛咨請變通假期若不限制流弊滋多特准於原定全年休假日數內視地方情形得行伸縮湘省既無特別情事學校假期自應照舊辦理部印等因准此查學校年假湘省迄未一致皆由舊歷行之已久勢難驟與革除惟是轉移習俗為學校應有之責自當一律實行新曆樹社會之楷模嗣後湘省各學校應遵照民國元年部定章程各於陽歷每屆新年放年假兩週其本年或有特別情形須酌放寒假者亦應呈由本公署核准至明年各校放年假均應恪遵部令一律行用陽曆不得藉口寒假名目各校自為風氣合亟通令令到仰該道尹 知事即便遵照 並轉行所轄各學校知照此令

道尹
知事
校長

省長譚延闓

中華民國五年十二月 日

湖南省長公署訓令

令達材法政學校校長馬續常

案准 教育部咨開准咨送私立達材法政學校法律別科庚班編級學生一覽表到部查該校收受編級學生除張炳乾等七名向澤等三名楊斌才等五名尙無不合應准編級外其餘各生均因何故降級表內所填某生修業一年半究係修業四學期抑係五學期均未據該校明白聲敘周藩一名原班表冊無名均難照准廖述安一名應候原校證書送部查驗後再行核辦相應咨覆請煩查照飭遵等因准此合行令仰該校即便查照明白具覆以憑轉咨爲要此令

省長譚延闓

中華民國五年十二月 日

湖南省長公署訓令

令湖南圖書館

案准 教育部咨開爲咨行事查各省縣設立圖書館爲社會教育之要務收藏各書除採集中外圖籍外尤宜注意於本地人士之著述蓋一地方之山川形勝民俗物產於鄉土藝文載之恒詳不第先民言行故蹟留遺足資考證也查山東濟南圖書館藏書目中有山東藝文一門網羅頗富而他處圖書館留意及此者尙少亟宜參照濟南圖書館辦法於本地藝文刊本

廣爲搜集卽未出版者亦宜設法借鈔藏度以免歷久放佚收藏既多使來館閱覽者直接以生其愛鄉土之心卽間接以動其愛國家之觀念於社會教育補益實非淺鮮除分行外相應咨行貴省長請煩查照轉飭所屬各地方圖書館遵照辦理此咨等因准此合亟令仰該館長卽便遵照此令

省長譚延闓

中華民國五年十二月 日

湖南省長公署訓令

令湖湘法政學校

案准 教育部咨開准咨送私立湖湘法政學校法律別科發給在學證書各生一覽表到部查該校法律別科各班未受畢業試驗各生既據查明在學實歷學期發給在學證明書尙無不合應准備案別科乙班補習生袁耀堃一名據稱實係冊報繕寫錯誤應准更正至該校各班學生現已全體畢業應卽停辦以符原案相應咨覆卽煩查照飭遵等因准此合行令仰該校知照此令

省長譚延闓

中華民國五年十二月 日

湖南省長公署訓令

令武岡縣知事劉運鴻

案據該縣商務分會呈稱竊本會日前所呈學捐兩案一爲金坤堤等具控縣城高初小學校

一爲禹鳴鳳等具控黃亭市惟一學校一城一鄉兩不相涉均於八月十五十六兩日已奉批示矣惟金坤堤等候案已久縣未查覆因又造表錄案投由本會轉請核飭取消茲奉大署十一月九日省字第五三四號指令內開該縣黃亭市學捐經農商部於四年五月核准有案該商等自應遵照辦理等語查黃亭市惟一學校學捐發生於本年七月並未稟部四年五月稟部案件乃縣城高初小學校學捐之案與黃亭市學捐另爲一事今黃亭市商人因惟一學校學捐激成交涉已於十一月十三日呈請委員查辦在案而縣城高初小學校學捐若再任其浮收恐難保無轆轤理合呈明大署俯賜察核調查前卷復賜分別批示以憑遵照而杜禍端不勝悚惶待命之至謹呈等情據此除指令呈悉查兩案均經飭查尙未據覆至金坤堤請取消學捐調核前卷已迭經財政廳湘江道分別飭行釐金徵收局該縣知事查明妥議具覆並經劉前巡按使核據財政廳詳稱據該局長該縣知事原詳將開列捐額比較局徵釐額重者核減三成辦法於興學恤商均能雙方兼顧批飭如詳辦理並錄原文咨覆農商部又批示該商會等在案該金坤堤仍一再來轅瀆稟又經陶前兼使批斥不准在卷是現在此案祇應查明與原定捐額有無浮收斷無取消學捐之理該縣民氣囂張本省長亦所深悉該會既爲商界代表自當明白事理切實開導須知維持學務體恤商情自屬相提並重倘仍膜視教育訟不休亦復成何事體除再令行該縣知事查明原定捐額有無浮收弊竇呈覆到署再行核辦外合亟令仰該商會即便遵照毋任滋生轆轤致干未便此令印發外合亟令仰該知事遵照查明現收學捐原詳所定捐額有無浮收情事並嚴行取締收捐辦法毋俾商人藉口具覆核奪切切此令

省長譚延闓

中華民國五年十二月 日

湖南省長公署指令

令新田縣知事李鏡蓉

呈一件爲賈送縣立高小校已一班畢業清冊暨職教員由學生一覽表請核示

呈表均悉該校已一班學生謝良驥等三十五名既經修業期滿自應准予舉行畢業試驗屆期卽由該知事督率各員認真試驗以免寬濫惟該校嗣後招生應遵照高等小學校令第十五條辦理如該縣刻無合格學生應速整理國民學校以重根本教育高等小學無預科名目應卽取消再所呈報告表開辦及常年經費究共若干未據詳叙殊嫌含混小學教員本兼任管理員毋庸特別列表校長事務員應同列管理員表內不必註附錄職員四字又學生一覽表 教育部前定爲三種說明內載第一號表於第一學年及入預科之學生用之第二號表於轉學生依照程度編入相當學級用之第三號表於補報舊學生用之本公署前頒表式本係照此辦理該校不知分別造報誤將全校學生重複填註三表殊爲不合著速遵照部頒劃一學校報部表式并指令各節逐一更正補造費署備案本年已否招生應一併查明列入又一學校關係重要應速遴選師範畢業生充任以重職務併卽知照此令畢業生清冊存報告表發還

省長譚延闓

中華民國五年十二月 日

湖南省長公署指令

令會同縣知事蔡遠遜

呈一件爲奉批查覆楊濤等呈請將仁智小學改爲中學一案由
據呈查明楊濤等請將仁智小學改爲仁智中學籌畫不安經費實不敷用等情具見該公民
等好高騖遠不求實際所請立案之處礙難照准且查取締縣立中學早准 部咨業經沈前
使通飭遵辦在案仰速轉令該校迅將小學切實整理以符部令而重根本教育併卽知照此
令簡章刊費郵費發還

省長譚延闓

中華民國五年十二月 日

湖南省長公署指令

令第四聯合縣立中學校

呈一件爲賚送職教員一覽各表請核咨由

呈表均悉查該校收受轉學生僅造報學生一覽表並不鈔錄原校證明書或在學證書等核
與部頒收受轉學學生規則第六條不合著速補造到署再行核辦又查新招十二班學生均
註明本年八月入校何以該前校長全無報告殊屬疏忽該校長甫經到校於此等進退學生
大事僅含混其詞籠統造報亦屬不合究竟此班學生何時招考何時入學實到共若干名數
現分幾班教授仰速逐一查明詳細聲叙呈覆核奪數年來該校學風不善久爲學界所詬病
該校長務當力除敷衍積習將管理教授訓練設備編制各事加意研究認真整理是所厚望

切切此令表暫存

省長譚延闓

中華民國五年十二月二日

湖南省長公指令

令公立蠶業講習所所長曹日曦

呈一件爲曾經核准增加經費仍懇按照預算發給由

呈件均悉該所招考學生前經指令該所長俟招足名額再行開學乃不俟足額遽行開學並不先行請示手續諸多不合詢據取錄學生時期係在十月之末所有十月份補助經費仍應毋庸發給至開學後經費姑念已成事實茲再續發十一月份補助費二百六十元仰即照數收明切實支用此令十月份領狀發還餘件存

計發十一月份補助費票銀二百六十元又發還十月份領狀一紙

省長譚延闓

中華民國五年十二月二日

湖南省長公署指令

令衡陽縣知事曾廣瀛

呈一件爲遵批查覆何璘等以黨惡害公

懇提併究等情具控一案由

呈及附件均悉應准如呈銷案惟查普賢鎮額收學款僅一千一百餘串兼辦高小國民兩校經費究非充裕與其竭蹶支持徒事敷衍致該校無畢業之學生不若就原有學款專辦一完全國民學校增加學額班數力行整理較有實效至原收高小學生名數無多亟應併入他校

仰該知事再傳商該縣教育會視學員及該校長等悉心討論確定辦法具稟
省長譚延闓

中華民國五年十二月 日

湖南省長公署批

原具呈人臨湘黃大岡等

呈一件爲呈請統一學款以廣教育由

據呈該縣茶捐除百分之十作縣有學款外其又百分之六專作城鄉各小學之學款現因分區收取致有偏枯擬請改由聶市茶釐徵收局統收解縣再視校數及辦學成績以定支配方法專爲統一學款嚴杜虛糜所呈不爲無見但此項茶釐是否詳定有案本公署無憑懸斷應俟該臨湘縣知事查明原案並詳具改辦情形呈候核辦可也此批

中華民國五年十二月 日



●實業

湖南省長公署咨

爲咨送事查湘省此次辦理巴拿馬賽會事務所有經過事實及辦理情形前經令飭出品協會編纂報告茲據編就刷印成書呈請分送前來除分別咨行外相應咨送 大部請煩查照此咨

農商部總長

湖南省長譚延闓

中華民國五年十二月二日

湖南省長公署咨

爲咨請事查農工銀行之設原以通融資財振興農工兩業爲主旨湘省農工兩業亟待振興此項銀行急需設立而農工銀行條例規定每行須額定資本十萬元以上民間能籌集巨資者固不乏人而無力舉辦者究居多數若不設法提倡欲待其自然發達成效殊難逆睹徵諸日本當其經營北海道及琉球群島時亦曾用補助農工銀行方法故不數年間而收效頗巨蓋通融資財之機關既得則開拓利源之方法可生今以全省七十五縣每縣一行計算每行補助二萬五千元分年補助約八年方能普及但此八年中公家年撥公款二十五萬元數雖較鉅然使營業合法監督有方將來官民所收有形無形之利益當不可以數量計且此項補助股銀仍爲公家所有是無異公家特別庫儲較之尋常消耗者迥別一俟十年之後各縣農工銀行基礎鞏固公家復可提取此項股銀餘利補助他項實業行之以漸而收效廣遠振興

實業之道實無逾此茲擬具省款補助各縣農工銀行章程都爲十條相應咨送 貴會請煩
開會公決見覆施行此咨

湖南省議會

計咨送章程一份

省長譚延闓

中華民國五年十二月 日

湖南省長公署訓令

令鑛務總局局長陳炳煥

案准 督軍署咨開案准咨開案據桃源鑛務分局局長顏壽元電稱湘西護國軍團長陳伯
錡派軍需官陳世珖即伯錡之弟帶兵來蓼葉溪強於官鑛區內開鑛不服理論勢不能抗懇
示辦法等情查護國軍名目久經取消陳伯錡仍以護國軍名義派人帶兵強佔公有鑛產殊
屬膽妄相應咨請酌派軍隊前往解散嚴加究辦等因准此除令常澧鎮守副使迅速查察酌
派得力軍隊勒令解散嚴加辦外理合備文咨覆咨照等因准此合行令仰該局即便轉飭
該分局知照此令

省長譚延闓

中華民國五年 月 日

湖南省長公署訓令

令省農會會長陳炳煥

爲令行事案准 農商部咨開查湖南省農會籌設模範畜牧場一案七月間准財政部咨允撥借傅家洲官地以咨建設並准咨送該洲地圖業經先後咨覆飭遵備案各在案查畜牧一項皮毛乳肉需要良多利益甚厚但經營斯業當以氣候相適水草相宜爲其豢養之標準傅家洲夾帶湘江氣候溫熱其畜似宜牛豕况牛豕之利乳肉皮革以及香腸火腿不但供給內地並可運輸出口以裕利源該畜牧場領地以來當以建設竣事相應咨請貴省長飭令該場將辦理一切情形並現在豢養牲畜種類頭數詳細報部以憑查核此咨等因准此查該會撥借傅家洲官地爲日已久現在如何籌設合行令仰該會即便將辦理該場詳細情形呈覆到署以憑核咨此令

省長譚延闓

中華民國五年十二月 日

湖南省長公署訓令

令財政廳長袁家普

爲令行事卷查和豐火柴公司有官股一萬兩湖南電燈公司有官股八萬八千七百元股票均存該廳又中萃汽船公司所入官股三萬元躉船一艘價八千兩南乾輪船價二萬兩約合銀元四萬餘元現在和豐電燈兩公司應繳息銀已否按期收清其汽船公司營業是否由該廳督察辦理合行令仰該廳即便將經辦情形詳明具覆以憑核奪此令

省長譚延闓

中華民國五年十二月 日

湖南省長公署訓令

令財政廳廳長袁家普

案據高子明等以藉公私採損壞良田等情具呈到署除批呈悉莫兆辛等採辦礦已否依法註冊其使用他人之土地曾否呈經主管官署認可並與地主及關係人協商所控私採礦質及損壞田畝各節是否實情應候令行財政廳查明核辦具報察奪此批牌示外合行檢同副呈令仰該廳即便遵批辦理此令

省長譚延闓

中華民國五年十二月 日

湖南省長公署訓令

令各縣知事

爲令行事照得山地植樹池塘蓄魚所以開濬利源厚民生計乃查各處地方多有竊取材木縱放牲畜及偷取塘魚恃強網罟種種情事以致山地任其童濯池塘除蔭注田畝外無有魚利言之殊堪痛惜各該知事身任地方長官興利除弊是其專責應將前項情事嚴切查禁如被告發即予重辦並隨時曉諭農民及時種樹蓄魚免棄大利茲本公署發去告示五十份除分令外合行令仰該知事即便派警張貼將貼示地點開摺具報並查取該縣各鄉村禁山會及查禁竊取魚利各項章程核定通章飭令遵守錄報查核毋違此令

省長譚延闓

中華民國五年十二月 日

湖南省長公署訓令

令長沙 湘陰 醴陵 寶慶 平江 漢壽 沅陵 各知事
安化 瀏陽 湘鄉 新化 桃源 石門 臨湘

為令行事接准 新疆省長兼督軍公署咨開案查八月三十日政府公報登載 農商部咨
湖南雲南江西各省請飭屬選集茶種如法裝置逕寄安徽祁門縣平里農商部模範種茶場
以資應用一案除原文有案不錄外惟查新疆所用茶葉向由內省販運到新自國體改革以
來茶莊停辦所用之茶係屬俄商售賣利權外溢民多不便擬請貴省長將前項選擇茶種惠
分數升郵寄來新以便分發纏回試種俾資倡導而挽利權至種價郵費若干即請咨覆以便
照繳此咨等因准此除分行外合亟令仰該知事即便選擇茶種數升並附種植說明書呈齊
到署以憑轉咨此令

省長譚延闓

中華民國五年十二月 日

湖南省長公署訓令

令鑛務總局局長陳炳煥

案准 省議會函開案准貴公署實字第四十號咨開准貴會咨據歐陽煥以鑛務總局用人
弊竇各由具請願書一案咨請轉飭該局裁汰冗員切實奉行等因本署以湘省財政困難已
達極點該總分局員司允宜為事擇人力圖撙節以濟時艱而重公帑當經轉令該局遵辦呈
復去後茲據該局復稱此案本應遵限議覆惟本局局長陳炳煥於十一月六日赴滬所有本

局尋常事件委提調周砥代拆代行至重大事件諭令仍候回時定奪此案關係重大應候局長回省再行議覆特將一時未便議覆緣由緘請備案等情除指令外相應先行咨達貴會煩爲查照等因准此當經報告大會僉謂該局局長既奉上官命令主持鑛務自不得以箇人行動擅離職守且赴滬久留致該局員周砥以代拆代行名義猶得借該局長未回抗拒裁汰冗員命令虛糜公款殊屬不合應咨請轉令該局長從速回湘毋任溺職且鑛局改組議決執行尚需時日現在各鑛局員司難保不乘機交易圖飽私囊應請省長通令總分各局除已開之鑛仍應繼續進行者外其餘所有權暫時不得處分如有擅行買賣者均作爲無效案經多數贊同相應緘請貴省長轉令鑛務局長陳炳煥迅速回湘整理局務並請通令各分局於實行改組鑛局以前一律禁止買賣爲此緘請察照施行等情准此查該局長現已回省所有裁汰冗員各節應即迅速遵辦至買賣事項本署前以財政奇絀金融急待整理令飭該局長迅賣鉛砂吸收現金藉資救濟現正在貿易進行之中自難中途限制致多滯礙惟各分局應於改組前禁止買賣以杜弊混除函復外合行令仰該局長即便分別遵照覆候核咨毋延此令

省長譚延闓

中華民國五年十二月 日

湖南省長公署指令

令衡陽道道尹林樹藩

呈一件爲轉賣東安縣鑛業協會更正簡章懇核示由

呈件均悉道屬東安縣鑛業協會簡章既經飭據遵照修改應准備案仰即轉行遵照此令費

件存

附件

省長譚延闓

中華民國五年十二月二日

遵呈更正東安縣鑛業協會暫行簡章

第一章 總則

第一條 本會係東安縣全縣商辦各鑛業公司經理職員組合成立根據湖南全省鑛業

總會名稱定名為東安縣鑛業協會北設應鄉小田

第二條 凡縣屬各鑛業公司均應赴本會註冊其股東或職員皆得認為本會會員

第三條 本會以結合團體維持鑛業共謀利益兼厚民生為宗旨

第四條 本會由各公司組織成立為一鑛業團體遵章設立鑛場警所呈縣請由道尹委任編練擇要駐紮從事巡查而保治安

第二章 組織

第五條 本會以左列職員組織之

(一) 正會長一人

(二) 副會長二人

(三) 評議員二十人

(四) 調查員二人

(五) 文牘員一人

(六) 庶務兼會計一人

(七) 書記一人

第六條 本會職員除調查文牘庶務書記由正副會長任用外餘均由會員中選任但須具有左列資格之一者

(甲) 在縣屬辦理鑛業富有經驗者

(乙) 具有鑛業學識者

(丙) 才具優長及資本雄厚衆望素孚者

(丁) 於會議時必能蒞會者

第三章 職員之選舉及任期

第七條 正副會長評議員於會員中分次投票互選之以得票多數者爲當選

第八條 正副會長評議員之任期以一年爲限衆望允孚者得被舉連任但以一次爲止
決定後必須通知各公司並報呈地方官備查

第九條 正副會長爲名譽職常川駐會酌給夫馬火食評議員亦名譽職但赴臨時召集酌給夫馬其餘職員薪水由正副會長核定

第四章 職員之職務

第十條 本會正會長主持會中一切事務對外有代表本會之全權副會長輔助正會長負其責如正會長因事故不能到會時由副會長代理之

第十一條 本會評議員遇關鑛業上重要事項由正副會長召集評議員得半數以上到會議決即由正副會長核酌施行但評議員認為特別要事時得由二人之陳請開臨時會議

第十二條 正副會長評議員如有放棄職務及理處事件違背公理妨害鑛業之處得由會員半數以上同意聲請開會改選

第十三條 調查員担任調查各公司礦砂衰旺礦質優劣礦業變更礦工佈置若何礦股資本多寡已否稟案領照有無藉礦收私及違反礦業條例情事得隨時隨地調查真相報告本會

第十四條 文牘擔任本會公文信札及編製職員會員名冊圖表並保管本會全部冊籍事項

第十五條 庶務兼會計經理本會一切收支編製預算決算及月終報冊管理會內器具用品財產簿據監督夫役招待來賓及不屬於文牘職掌之事項

第十六條 書記承正副會長文牘之指揮繕寫本會公文表冊及收發文件事項

第十七條 礦場內發生事件由礦警所長與本會接洽辦理以期靈便而歸劃一

第五章 處理之權限

第十八條 本會對於各公司遇有礦界混淆礦業障礙礦股出入款項糾葛之爭議因兩方或一方報告得由本會邀集會董公同和解

第十九條 本會對於各公司兩方爭議事件之和解如一方不願遵守時聽其向官廳起

訴

第二十條 本會對於各公司如有已經起訴之案兩造復聲請和解或官廳委託和解後呈報官廳查核銷案

第二十一條 前十八十九二十等條所規定遇關刑事案件應由官廳判斷本會概不理處

第二十二條 本會對於各公司之爭議事件接兩造報告書後須於三日內具通知書囑令兩造於某日到會理處其由官廳委任者亦同

第六章 會規

第二十三條 各公司人員工役不得有違法行爲及違背政府所頒各種條例事項

第二十四條 各公司所辦之礦山其契約均須交由本會審查蓋戳以免重複互混及賣買不清各情由其稟送之圖表亦須照繕一份送交本會備查

第二十五條 各公司所定礦工服務規則及工資價額務須隨時報告本會以資查考

第二十六條 凡有收買私砂及竊砂情事者一經查獲除將其砂會同警所分別發還充公外並稟請官廳嚴加懲罰但有各公司賣砂交易憑證者不在此限

第二十七條 各公司運砂出境無論零星大批每隻均須領用本會兩聯印封以一聯貼封裏面一聯存根以杜假冒違者照私砂論

第二十八條 各公司所有人員工役有違本簡章經本會公決革退者各公司不得雇用停留以杜害羣而昭炯戒

第二十九條 入會各公司如有事件應待公決者可聲請本會開臨時評議會其費用由聲請人擔負

第七章 會期

第三十條 本會會期分常期臨時兩種常期會每年一次以陰歷十二月初旬舉行召集全體會員議決本會一切應行事宜及陽歷本年決算次年預算臨時會無定次其會期由正副會長臨時酌定但須於三日以前通知各評議員如有特別重件須開臨時會議由會長酌定通知全體會員

第三十一條 本會職員之選舉於每年開常期會時舉行之

第八章 經費

第三十二條 本會常年經費依左列各項收入以資應付

(一) 各公司註冊納註冊費金二元

(二) 會員入會時納費金一元

(三) 各公司運砂出境每石抽印封錢二百文

第三十三條 本會及礦警經費預算為數甚巨若僅賴前條各項收入不敷開支各公司須按照左列標準繳納公益捐以資補助

(一) 各公司每月出砂一百石以外者每月納公益捐錢三十串文

(二) 各公司每月出砂八十石以外者每月納公益捐錢二十五串文

(三) 各公司每月出砂六十石以外者每月納公益捐錢二十串文

(四) 各公司每月出砂四十石以外者每月納公益捐錢拾五千文

(五) 各公司每月出砂二十石以外者每月納公益捐錢拾千文

第三十四條 前條所規定如鑛業發達出砂暢旺所抽之款能設開支即行開會停止

第三十五條 本會夫役工食額支均由正副會長隨時酌定之

第三十六條 本會每年預算以外應須活支由正副會長及評議員限制不得過若干並

須榜示以昭核實

第九章 罰則

第三十七條 凡有違背本簡章第二十六條及第二十七條之規定應由本會公議處罰

第三十八條 本會各職員人等如有舞弊營私及行爲不正妨害本會者除取消職務外

再由正副會長分別懲罰

第十章 附則

第三十九條 本簡章如有未盡事宜及妨害難行之處得開臨時全體會議公決修改呈

報官廳核定

第四十條 本簡章自官廳核准之日施行

湖南省長公署指令

令平江縣知事蕭宗道

呈一件爲具報農會現在情形請察核由

據呈已悉仰卽督飭該縣農會將一應事宜妥善辦理隨時將成績報查再查該縣農會曾經

前巡按使署批飭遵照規程擬定會章未據具覆併即由縣飭令妥訂章程核辦察奪此令
省長譚延闓

中華民國五年十二月 日



▲司法

湖南省長公署指令

令湘江道道尹向 榮

呈一件爲具報委查安化縣煙賭情形請核辦由

據呈及鈔件均悉已撤安化縣知事鄧廣藻對於煙賭兩項並不實力查禁已屬廢弛職務若如委員所查該知事曾染嗜好仍未戒除淨盡尤爲有玷官方僅予撤任不足蔽辜仰俟交卸回省即由該道尹傳案查驗明確呈候從嚴懲處以肅官箴一面仍責成新任知事認真查禁毋任稍涉鬆懈是爲至要此令鈔件存

省長譚延闓

中華民國五年十二月 日

湖南省長公署指令

令代理高等審判廳廳長左賦才

呈一件爲具報辦理甯遠縣承審員高信舉 濫用刑訊 一案情形 由

據呈已悉甯遠縣承審員高信舉將會天貴與朱昌周各答二百已據自白實犯刑律第一百四十四條之凌虐罪將其撤任該廳咨請同級檢察廳轉令長沙地方檢察廳起訴辦理甚是知事李華盛有無受賄情事仍俟委員查明另行呈候核辦此令

省長譚延闓

中華民國五年十二月 日



財政

湖南財政廳訓令

令新任資興縣知事唐虞

案據該縣前知事崔兆驥呈稱資興民欠驗契稅費賠墊無出仍懇變通辦法事案奉鈞廳指令第五一九號令知事呈民欠驗費懇准抵交契稅接徵歸款由奉指令內開呈悉查此案迭據具呈來廳均經明晰指令並令行戴知事查明業戶欠數趕緊催齊歸墊各在案該知事當未卸任之先並不設法上緊催繳乃以徵存契稅挪抵驗費希圖獎勵實屬咎由自取所請抵交新任接徵歸墊一節未便照准仍仰遵照前令辦理毋違此令等因奉此捧讀之下感悚交集理應敬謹遵辦何敢再事瀆求惟其中情形委曲事實困難之處實仍有不得不再向鈞廳哀懇者在知事未經徵齊驗費遽以契稅挪解鈞廳疑爲希圖獎勵誠亦理所當然但以資興蕞爾小邑自四年八月至十二月止數月之間徵收驗費及補稅大洋三萬五千數百圓又補稅錢一萬七千餘串又小洋一千七百餘圓又銀五百數十兩統合大洋約在五萬圓一時民力不逮無能徵齊當在鈞廳洞鑒之中當時因懾於文電之日嚴又苦委員之逼迫故爲此挪解之計藉以上懇徵求下緩民力迄今撫躬自問實覺無有希圖獎勵之心蓋所謂獎勵者不過獎章獎金而已查三年驗契案內知事已蒙給予鶴章此次固不必再有獎章之希冀而獎金一節在三年驗契案內由鈞廳例獎之款除照章分給各員司外所有知事應領之獎又已經解退詳繳亦似不至忽生貪圖且現在按數給獎雖已仰邀鴻恩而知事實尙未領取分文又前驗契會辦委員文燮係四年九月中旬到差原祇經徵三萬二千圓上下除一成計算實

祇二萬八千數百圓尚不能敷請獎之例知事將從前收數爲之併填足額並經專案詳陳其力亦可少見知事當日之心至於挪解以後尙未卸任之先知事亦非不知上緊催繳無如時變相乘阻擾橫生前呈多已聲明而受害最甚者莫如地方豪惡藉口算帳故與爲難明佈謠言將阻完納致使政令不行催徵無效迨今奉令函催戴知事嚴催歸款藉清交案而人民知未核准抵交仍復延抗如故此中困難可以瞭然矣竊知事任內一切數目現已由新任戴知事會委集衆澈底清算無一苟且之處清貧現況人所共知其不能堪此賠墊亦不能久受拖累自無待煩瀆而刁惡之徒又復唆聳人民抗不繳費領契致使公私兩害長此虛懸情何以堪惟有仍懇鈞廳曲鑒苦情格外體恤變通辦法准將民欠驗契稅費暫行抵交契稅由新任接徵歸款將來如實有業戶調查無出徵不滿額時其款仍由知事負責賠繳並懇令由新任知事設法勒限嚴催其有逾限不繳者准照滯納國稅例擇尤拘押嚴追斯公欸庶不至久懸而知事亦感戴二天矣所有以上情由是否有當理合備文呈請鈞長察核指令遵行等情據此查此案迭據該前知事具呈來廳均經指駁在案惟據前呈所報驗契項下現尙存契九百三十張計欠繳查驗註冊費大洋一千八百八十八圓五角補稅大洋二十六圓二角五分四釐小洋七十七圓四角三分補稅銀三十二兩四錢一分二釐補稅錢一千四百九十二串三百四十八文又加罰銀三兩六錢如果屬實該業戶有意玩抗累人賠墊殊屬不合該前知事卸任日久若仍責令自行催繳其不能發生効力亦係實情除指令呈悉既據再三陳請仰候令行新任唐知事查明業戶欠數是否屬實並令趕緊勒限嚴催以期歸墊有著如果數目不敷或收不及額仍應責成該知事照數賠繳此令外爲此令仰該知事即便遵照一面查明存

契欠繳實數先行具報一面出示曉諭各業戶限期勒繳不准仍前玩抗庶催收較易而歸墊亦即有著慎毋以事關前任稍涉諉卸是爲至要此令

財政廳廳長袁家普

中華民國五年十二月二日

湖南財政廳訓令

令各縣知事

案照公布各縣地方財務章程內載各縣知事於每月經過後五日以內編成上月收入計算書暨支付計算書分送廳道查核等因上年十二月併經本廳登報令催造送在案乃各該縣知事造送者固多其延未遵辦者亦屬不少推原其故緣政局變遷未遑舉辦亦因各該知事更迭頻繁以致延未著手茲查各該縣秩序久定檢查交代亦漸次就緒亟應重申舊令以便稽核而符定章爲此通令各該縣知事即便遵照將任內經手地方收入支出分別按月造具計算書賚送查核現在年度變更業經另案飭遵各該縣有未經造送之處自本年一月以後至六月末日止應即作爲新年度下半年期之決算造具決算書送核毋庸補造計算書其七月以後仍應按月補造收付計算書賚呈查核此係爲慎重公款並爲各該知事便利交代起見仰即恪遵辦理毋稍違延切切此令

財政廳廳長袁家普

中華民國五年十二月二日

湖南財政廳訓令

令各厘金局
寶慶稅關

照得釐局稅關員司查驗貨物徵釐給票時應於厘票上由稽查填票各員加蓋姓名戳記向有定章本廳所發各項釐票月日下亦經刊有稽查填票員蓋章地位原所以備查考而重稽徵乃日久玩生各局多未遵照填蓋並檢查各關局解到已用各種聯票近來所填商人或船戶姓名及各店牌號並各種貨名數量尤多草率遺漏每以公記雜件等字取其普通概括藉圖省事此種辦法既爲作弊之媒亦非核實從公待遇納稅商人之道亟應切實整頓藉杜弊端爲此令仰該局即便遵照督飭員巡嗣後服務時均應各備姓名小戳凡遇查驗之船於填發驗貨單及換給釐票時均由經驗各稽查填票員及隨查巡士逐張蓋用姓名戳記不得遺漏遇有弊端發現庶可藉資考查其填票員填寫聯票於商人或船戶姓名或牌號及貨名數量亦應詳細註明如遇一船貨主數人即飭以一人爲代表不得僅填公記其雜件有名可指及其量數可計者仍應詳細填明毋任仍前草率致滋弊混倘經此次通令之後如不蓋印及混括填列者即以違抗命令論惟該局長是問切切此令

財政廳廳長袁家普

中華民國五年十二月 日

湖南財政廳指令

令武岡縣知事劉運鴻

呈一件爲賚送接收前任劉澤林交盤總册由

呈悉查交盤冊載劉前知事澤林任內徵存田賦洋二萬八千一百零八元六角八分均發交財產保管處此係國稅收入自應儘數提解該知事到任已閱兩月之久且經本廳專電催解何以猶未覓廳未免玩視正供前項賦款除地方附加應准截留外餘限令到三日之內一併按數提出飛速解廳不得擅行挪移致干賠究至高前知事任內交代迭經本廳令催劉前知事並未遵照造報茲據呈覽劉前知事交盤總冊其舊管各項是否相符已屬無從揣測即就來冊查核如田賦之附加既未劃清數目牙當各稅亦未遵章折洋其他印花等稅復未列入總冊尤與定章未合原冊發還並附發交盤冊式仰即詳查案據速將高劉兩任應行交抵各項分晰造賣如果兵燹之後文卷不齊應准將高前知事任內交代會同檢查委員設法清查歸入檢查案內造報以歸簡便其應造劉前知事交盤總冊仍照發來冊式辦理並將田賦項下地方附加若干核算明確分項開列以清款目煙酒稅一項已劃歸煙酒公賣局主管應另造清冊賣局查核驗契費及驗契紙亦應專案造冊呈廳備查毋庸併列總冊此外牙當貼費印花稅款及稅票並官產物品文卷表冊等項均應列入交盤冊內以憑核轉並將前解牙當稅款應補銀元若干遵照前令分別催交補解以清代案均毋違延切切此令

財政廳廳長袁家普

中華民國五年十二月 日

湖南財政廳指令

令平江釐金徵收局局長陳 謨

呈一件爲請修改綢緞布疋釐金由

呈悉查平江所銷綢緞布疋等貨由陸路繞越本國習慣情形但係落地貨物且有販自本省各埠者既不便添設早卡致涉繁苛則就地體察情形修改釐率以期約歸正路漸就範圍洵屬裕課恤商兩得之道應准照辦仰即將修改各貨釐率明白布告並隨時開導商家使知納稅爲國民應盡之義務而絕其規避之心仍將布告錄報本廳備案表存此令

財政廳廳長袁家普

中華民國五年十二月八日

附平江釐金徵收局原呈

呈爲擬請將綢緞布疋釐章畧爲修改以恤商艱而裕課源事竊湘省釐金設於前清軍興之際倉卒舉辦章程未能統一行之既久遂成習慣數十年來歷次增改均就原有釐則或加二成加五成加六成不等以爲更張不如仍舊而參差不齊之章程遂相沿以至於今同一貨也抽值相若者固多亦有甲局收一串數百文而乙局僅收數百或數十文者如綢緞紗羅各項平局向係估本計算每串成本抽正釐並加抽錢六十文而長潭章程則每觔祇徵錢六十文近來市肆綢緞價值數倍往昔以摹本論每觔約一丈六尺成本在二十串以上每串抽錢六十文即以二十串計之須抽錢一串二百文較之長潭章程每觔之抽六十文者相隔二十倍之遠又如平局羽綾每疋抽錢一串二百九十六文而長潭章程則每疋徵銀八分四釐洋線布每疋抽錢一百七十二文八毫而長潭祇抽錢六十七文二毫同一落地同祇兩道而釐章輕重懸殊以故商人於綢緞紗羅西貨布疋改由陸運不惜以真正資本所置貴重之貨物交付粗鹵之脚夫任其捆置車上或日曬或雨浸致令華美顏色不


免改變非出本願實以釐額過重不得已耳平局收入向以茶爲大宗其次則油蔴紙布各項土產凡屬落地百貨未嘗注重本年茶市既衰落不與各色土貨亦因天旱出產稀微將來收數不免有銳減之虞謨到平以來悉心考察利弊所在未便漠視查城陵磯局曾因商人避重就輕改領子口稅單該局迭次呈請將進口釐金減輕有案平江雖係落地徒以釐章高懸致驅商人改由陸運稅釐分毫未得與其任聽漏落於商人尙苦不便何如減輕徵收以廣招徠茲擬將綢緞紗羅西貨布疋數項釐章畧爲修改但斟酌時世今非昔比不能如長潭之輕商人若愛惜貨物又以水運較陸力可省咸知便利自必改弦移轍源源而來公家既增收入商家又免困難裕課恤商兩有裨益是否有當理合備文陳明並呈修改釐章一覽表一紙仰懇 廳長鑒核指令遵行謹呈

湖南財政廳廳長

平江釐金徵收局局長陳 謨

中 華 民 國 五 年 十 二 月 日

附表一張



平江釐金徵收局修改綢緞布疋西貨釐章一覽表

物名	數量	修改釐數	附原徵釐數
綢緞紗羅絹縐	每	徵錢二百四十文	估本每串徵錢六十文
京絲絨	每	徵錢一百四十文	估本每串徵錢六十文
上等大呢	每	徵錢九百六十文	一串二百九十六文
次等大呢	每	徵錢四百八十文	一串二百九十六文
芝羅西呢	每	徵錢三百二十文	一串二百九十六文
絲羅西呢	每	徵錢二百四十文	一串二百九十六文
佛蘭	每	徵錢一百八十文	三百八十四文
柳	每	徵錢六十文	八十六文四毫
花洋	每	徵錢一百二十文	一百七十二文八毫
各色素愛國布	每	徵錢八十文	一百七十二文八毫
白竹布	每	徵錢八十文	一百一十五文二毫
白洋布	每	徵錢六十文	八十六文四毫
京漂洋布	每	徵錢八十文	一百四十四文
色洋扣布	每	徵錢四十文	五十七文六毫
色蘇扣布	每	徵錢十四文	一十四文四毫
小扣布	每	徵錢四文	四文四毫
粗織絨	每	徵錢二十文	二十一文六毫
白大布	每	徵錢九十文	九十六文
多囉葛布	每	徵錢八十文	
瀏陽細夏布	每	徵錢六十文	
粗夏布	每	徵錢二十二文	
花大布	每	徵錢一十五文	
愛國柳條布	每	徵錢二十八文	
羊皮桶	每	徵錢一百四十文	估本每串徵錢六十文
灰鼠皮桶	每	徵錢二百八十文	估本每串徵錢六十文
零雜貨物	每	徵錢二十八文	

說
查綢緞布疋種數甚多因平邑市面銷數有限故不備
載合併陳明

◎外交

湖南省長公署訓令

令 交涉員
各知事

案准 江西省長咨開據交涉員胡上襄呈稱有日商田中漸赴江西安徽湖北湖南等省游歷請分別咨令保護等因據此除分別咨令外相應咨會查照轉令所屬一體保護等因准此除通令保護並咨覆外合行令仰該 員照章辦理 知事一俟該日人游歷到境時照約妥為保護並將入境出境日期及在境情形詳紀具報備查此令

省長譚延闓

中華民國五年十二月 日

湖南省長公署訓令

令各縣知事

案據特派湖南交涉員呈稱案准直隸交涉員咨開准駐津日領事送到日商橋文助赴京兆直隸山東山西江蘇河南湖北湖南游歷護照限用十三個月請加印除將護照印還咨請飭屬保護又准湖北交涉員咨開准駐漢日總領事函送商人鳥谷龍一郎赴河南湖北江西江蘇安徽四川湖南游歷又橋村禎助赴湖北湖南河南安徽江西游歷又駐漢美總領事照送民人鄭敬士赴湖北湖南游歷護照各一紙請加印除將護照印還咨請飭屬保護又准江蘇交涉員函開准日本總領事函送中苦文作赴江蘇江西山西浙江山東河南陝西直隸湖南

湖北游歷又速水篤治郎赴江蘇江西浙江山東安徽直隸湖南湖北河南游歷又井口陣三郎赴江蘇湖南湖北四川廣東廣西雲南游歷又高木顯達北田中次郎岡松安次郎大田立赴江蘇浙江安徽山東直隸湖南湖北等省游歷又仁木熙赴江蘇湖南湖北四川雲南廣東廣西游歷護照各一紙請加印除將護照印還函請飭屬保護又准駐湘美領事函送郭約翰傅理明游歷湖南省各地護照各一紙限用半年繳銷又准駐湘德領事函送弗務人克尼希游歷湖南湖北江西廣東廣西貴州等省又准駐湘日領事函送松岡政八游歷湖南湖北江西四川等省護照各一紙均限用十三個月繳銷均請蓋印等因除將護照照約加印發還外理合具文呈請鈞署俯賜察核通飭各屬俟該游歷人抵境時一體照約妥爲保護如遇軍務戒嚴地方以及土匪出沒之區務由各該地方官婉爲勸阻毋任前進以免疏虞再近來每有藉口游歷或夾帶軍火或測繪地圖情事並祈飭屬於保護之中切實注意等情據此除通令照約保護外合行令仰該知事一俟該游歷人等到境時照約妥爲保護查照交涉員呈後所開各節須於保護之中密爲防範並將入境出境日期及在境情形詳紀具報備查此令

省長譚延闓

中華民國五年十二月 日

附錄

修正湖南政治研究所章程

第一章 宗旨

第一條 本所以培養吏才為宗旨

第二章 職員

第二條 本所設總辦一員會辦一員會同總攬全所事務總辦由政務廳長兼任會辦由省

長遴委

第三條 本所設總校一員襄校一員商承總會辦掌管督課學員事務由總會辦呈請省長

聘任

第四條 本所設事務員三員分任文牘會計庶務事項由總會辦遴委呈報省長備案

第五條 本所為繕寫文件補助掌管圖書及其他事務得酌用僱員

第三章 學員資格及名額

第六條 具左列資格之一年在三十歲以上經省長考取者得為本所學員

(一)分發任用知事

(二)合於文官甄用令第一條及高等考試令第二條各款之一者

文官甄用令第一條(一)有與簡任或薦任相當資格而由考試出身者(二)有與簡任

或薦任相當資格雖非攷試出身而曾任實職五年以上確有特別政績者(三)有薦任

以上相當資格歷辦地方行政事務八年以上成績卓著者(四)有特別才能通達治術

而夙具聞望者(五)辦理國家特別事務有異常勞績者(六)有與委任相當資格曾任實職十年以上有特別政績者

文官考試令第三條(一)本國國立大學或高等專門學校修習各項專門學科三年以上畢業得有文憑者(二)經教育部指定外國大學或高等專門學校修習各項專門學科三年以上畢業得有文憑者(三)經教育部認可本國私立大學或高等專門學校修習各項專門學科三年以上畢業得有文憑者

第七條 雖具前條資格而有左列各款情事之一者不得為本所學員

(一)曾受褫奪公權處分尚未復權或受褫職處分尚未開復者

(二)品行不端曾受紳民控訴查明屬實者

(三)虧欠公款尙未繳清者

(四)侵蝕公款者

第八條 學員分內課外課兩部內課學員暫定為六十名外課學員無定額

第九條 內課學員缺額時應以外課學員挨次遞補

第四章 課程及試驗

第十條 本所課程分左之七種

(一)民政

(二)財政

(三)司法

(四)教育

(五)實業

(六)外交

(七)軍政

前項課程應行研究之範圍及方法由總校定之

第十一條 學員應將每日研究所得作成日記送由總校評定分數呈總會辦覆核

第十二條 除例假外每日午後一時至五時爲學員課習時間

第十三條 外課學員願爲第十一十二各條之課習時除第十六條規定之津貼費外得與

內課學員受同一之待遇

第十四條 本所試驗分左列之三種

(一)入所試驗 由省長行之

(二)月終試驗 由總會辦行之

(三)特別試驗 由總會辦於三六九十二等月呈請省長督同財政廳長高等兩廳長湘

江道尹行之前項月終試驗應與該員本月份日記所得分數平均計算呈報省長並分

咨財政廳高等廳各道尹備查

第十五條 爲實地練習之必要總會辦得隨時呈明省長領取各署局文件交令各學員擬

辦

第五章 獎勵及懲罰

第十六條 本所除內課學員月各給津貼洋一十二圓外於特別試驗分別等第酌予獎勵

第十七條 學員有犯左列各款之一者由總會辦呈請省長除名

(一)品行不端者

(二)性質不堪造就者

(三)無故一月不到所者

第十八條 學員有犯左列各款之一者由總會辦分別記過記兩過爲一大過記大過三次者得呈請省長除名

(一)不遵本所章程訓示者

(二)無正當事由不應月試者

第六章 經費

第十九條 本所常年經費由總會辦提出預算呈請省長令行財政廳按月給領依法造報

第七章 附則

第二十條 本章程如有未盡事宜得由總會辦臨時呈明省長分別修正

第二十一條 本章程自公布之日施行

中華民國五年十二月六日

清南民正屬牌示

爲牌示事案查寶慶漿溪黃龍山礦山前據積發履泰福康各公司呈請試探在案此次因福康公司與周姓糾葛經本廳派測量員粟玉良勘測據呈實測得積發公司礦區僅十七畝三十四方丈餘福康公司礦區七畝三十九方丈加入該公司借用阜記公司礦地三畝五十二方丈三十一方尺及所稱擬買水田七畝四十四方丈四十二方尺共計不過十九畝一十八方丈七十三方尺履泰公司礦區亦祇九畝三十三方丈三十一方尺均不足法定畝數實係朦混取得礦權而本廳前此之核准亦係錯誤查礦業條例第四六條第六項因錯誤核准者取消其礦業權所有積發履泰福康三公司試探黃龍山礦業權自應立予取消以符定章除呈報農商部並令行寶慶縣知事勒封外合行牌示仰該礦商等一體知照此佈

中華民國五年十二月五日